

## **Edaran 300 Pek Makanan Asnaf Shah Alam**

Oleh: Norsyabilah Najwa Sahidin, 1180077

SELANGOR: Inisiatif MyFundAction dengan kerjasama Pertubuhan Basmi Kelaparan (Food For Hunger Organisation) telah mengadakan program julung kalinya melalui projek rewang di surau Al-Hijrah, Kota Kemuning dan kampung Orang Asli U11 di sini, semalam.

Projek ini merupakan program bersiri tahunan bagi MyFundAction. Tujuan projek ini dijalankan adalah menyediakan dan mengedarkan pek makanan yang sedia untuk dimakan kepada golongan yang memerlukan bagi saling berkongsi rezeki.

Ketua program, Arisa Azmi, berkata program ini dimeriahkan dengan kehadiran selebriti tempatan yang merupakan ikon istimewa seperti Ieda Moin dan Chef Imelda. Tidak lupa juga program kali ini turut hadir sama para kesukarelawan daripada pelajar Universiti Teknologi MARA (UITM) serta beberapa wakil daripada Jabatan Agama Islam Wilayah Persekutuan (JAWI) membantu menyumbangkan sebuah lori pengangkutan dan 20 kampak beras pada siri ini.

“Dalam situasi norma baharu pandemik koronavirus (Covid-19), para peserta mematuhi prosedur operasi standard (SOP) yang telah digariskan oleh Kementerian Kesihatan Malaysia (KKM) dengan sebaiknya sebelum dan selepas program dijalankan,” katanya.

Sementara itu, salah seorang pegawai MyFundAction, Fatimah Wahidah, berkata program seperti ini dapat memupuk kesedaran dalam kalangan masyarakat khususnya anak muda untuk turut serta dalam membantu dengan menyertai aktiviti kesukarelawanan seperti ini.

Harapan MyFundAction agar lebih ramai membantu melaksanakan projek kesukarelawanan dalam kalangan anak muda sekarang. Semoga program seperti ini dapat diteruskan lagi pada masa akan datang dengan dorongan dan sokongan dalam masyarakat di Malaysia.



Gambar 1 : Menunjukkan para kesukarelawan sedang mengisi makanan di dalam bekas yang disediakan oleh MyFundAction.



Gambar 2 : Menunjukkan salah seorang selebriti menghulurkan makanan kepada yang memerlukan.



Gambar 3 : Menunjukkan wajah kegembiraan setelah menyiapkan makanan kepada asnaf.



Gambar 4 : Menunjukkan barisan selebriti, pegawai JAWI dan tidak lupa juga daripada MyFundAction.